

Kommunikation i de Politik

Über diä Bütt do, bini en Art nöd emal soo froh:
Mer chönti nämli so langsam aber sicher uf de Gedanke cho,
Ich heig mit em Kari Nussbaumer es persönlichs Problem,
Aber das stimmt nöd, eigentlich bini sogar si gröschti Fan!

Isch er doch für mich als Bergspiegel-Gschichte-Lieferant,
Jahr für Jahr en zueverlässige Garant,
Und s'isch ja au logisch, dass en langjährige Kantonsrat,
Bi mir chli meh als anderi im Fokus staht.

Dasmal gahts um diä letschte Kantons- und Gmeindratwähle,
Überall dönd Dich Grinde vo de Plakatwänd här astrahle,
Unter anderem hed d'CVP au eis bim Lars Rominger montiert,
Det hed mer es Bild vo Monika Barmet de Wähler präsentiert.

Das Föteli det händ aber nöd nur potentielli Wähler gseh,
Nei, äbe au de Nussbaumer Kari vo de hiesige SVP.
De hed sich, verständlicherwis, vor allem am Standort gstört,
Will das Land wos drufe staht, schints im Thomas Äschi ghört.

Jetzt bin ich de Meinig, es seti i Kantonsröt doch glinge,
De CVP-Fauxpas ohni grosses Trara wieder i Ordng z'bringe.
De Kari hätti doch direkt chönne mit de Monika Kontakt ufnäh,
Gläheheit dezue hättis zum Bispiel bim ä Gwärblerhöck gäh.

Aber nei, det hed de Kari nüd de gliche ta!
Warum? Kei Ahnig, hed er ächt Angscht vor de Monika?
Jedefalls isch de Abig diesbezüglich ruhig verloffe,
Defür isch am andere Tag es E-Mail bi de CVP itroffe!

Det staht i härte Wort und scharf formuliert,
Dass de Absänder das Plakat det nöd akzeptiert,
Und dass es mächtig Ärger git, wänns no lang det staht,
Gezeichnet, Thomas Äschi, SVP-Nationalrat.

Au mit em Lars Rominger hed de Äschi Kontakt ufgnoh,
De heig per Telefon en verbali Abriebig übercho!
Woher de Äschi diä Infos gha hed, mönd Ihr Euch nöd frage,
De Kari Nussbaumer hed bi sim Partei-Spezi Alarm gschlage!

Wänn ich diä Gschicht jetzt do duene analysiere,
Frag ich mich scho, we üsi Kantonsröt dönd kommuniziere.
Ich glaube nämlich, dass isch doch für Mänzige nöd guet,
Wänn mer via Awalt mitenand verhandle duet!



Quelle: Bergspiegel, Guggenmusik
Menzikus. Winter 2018.

<https://www.menzikus.ch/bergspiegel>

Politische Bewegung

«Die BrückenbauerInnen»

<http://www.kunststofftechnik.ch/life-innovations/politik/>

Kap.: «Die Legende vom Glückshügel»